



Fegl d'infurmaziun

Crear rait

- Erui las pli impurtantas gruppas d'interess en Vossa vischnanca, che s'interessan per dumondas dals dretgs da persunas cun impediments. Quai pon esser persunas cun impediments, commembras e commembers da famiglia, represchentanzas d'interess, furnituras e furniturs da servetschs sco er commembras e commembers da la suprastanza communal.
- Sviluppai in messadi cler e precis davart las finamiras da Vossa rait. Quai po gidar a guidar Vossas stentas ed a garantir che tuttas e tuts lavurian per finamiras cuminaivlas.
- Sviluppai in plan d'acziun che definescha ils pass specifics, che Vus vegnis a far per cuntanscher Vossas finamiras. Quest plan d'acziun po cumpigliar activitads sco campagnas, lavur da publicitad e svilup da capacitads. Vus pudais er tscherner mo in singul tema per onn (per exempel accessibladad al traffic public en las vischnancas).
- Stabili partenadis ed alianzas cun autras organisaziuns e cun persunas singulas, che sustegnan Voss interess per ils dretgs da las persunas cun impediments. Quai po gidar a crear ina basa da sustegn pli vasta ed a rinforzar Voss messadi.
- Communitgai regularmain cun las commembras ed ils commembers da Vossa rait ed As engaschai en la cuminanza, per uschia augmentar la conscienza per ils dretgs da las persunas cun impediments. Quai po esser l'utilisaziun da social media, l'organisaziun d'occurrentas e la participaziun a forums publics.
- Survegliai e valitai Vossas stentas, per garantir che Vus fetschias progress cun cuntanscher Vossas finamiras. Quai pon esser acziuns per perseguitar indicaturs definids ordavant, la realisaziun d'enquistas sco er l'integraziun da stakeholders per rimnar in feedback.
- Sajas flexibla u flexibel, demussai l'abiltad d'As adattar ed hajas la prontezza da drizzar Voss plan d'acziun – tut tenor il basegn – a las circumstanzas midadas ed a novas infurmaziuns. Uschia resta Vossa rait effectiva e relevanta.

